

倉場右都御史孫瑞署都察院事

虜五萬騎謀犯鉄嶺衛趙廣寧傳會諸部

庚申王國柱嗣成山伯允忠之子

辛酉左右諭德湯賓尹朱之蕃為右庶子兼侍讀右中允孫

慎行為左諭德顧秉謙鄧士龍郭湄為左諭德兼侍講南世

司業朱延禧為左中允


壬戌夜月食既

甲子命順天尹禱雪

乙丑工部屯田主事邵輔忠論摠督漕運李三才貪險假橫

結黨徧天下前圖枚卜今圖搃憲腹有山谿口皆劍戟彼四  
岳薦鯨漢臣諛莽天下之大可憂在小人竊據蕭牆之內也  
時三才需次內臺輔忠首劾之繼以御史徐兆魁三才奏辨而  
工科給事中馬從雲御史董兆舒彭瑞吾南工科給事中金  
在衡為三才辨俱不報

設遷曰李脩吾本縱橫押闔之才收採物情用財如流水  
任路翕附方稅璫橫甚當事袖視獨能捕其爪牙令大盜  
引之斃以尺筮群奸少戢則權術之效也其噉名結客望隆  
一世以餌善類而榜清流門戶之說于斯而盛傳云毋使



滋蔓難圖也李氏之黨蔓矣月滋歲引與國俱敝能毋  
嗟乎

己巳假太僕寺金二十五萬工部税金十五萬令兵部主事

解遼東餉邊

庚午勅宗人府續脩戊戌以後玉牒


甲戌左庶子馮有經拜疏去

乙亥虜犯遼陽長史堡陷屯堡二十四殺千五百餘人飽掠  
而去邊吏不以聞後巡按御史熊廷弼行部得其狀劾叅將  
蕭如蕙游擊張昌胤王紹芳充為事官戴罪分守東寧右叅

政謝存仁罰俸六月

是月隴川平

雲龍州土知州段嘉龍殺妻虐衆為族舍段進忠所殺



國權

萬歷三十八年庚戌

正月戊寅朔 上不朝

乙酉享太廟

前南工部尚書朱天球卒字

福建漳浦人嘉靖庚戌進

士授工部主事歷南大理卿累至今官致仕十有八年年八

十一

丙戌初代府樂昌王廷璠有子萬鈞以濫妾生至五十未娶


國權

萬歷三十八年

一

國家圖書館, NATIONAL CENTRAL LIBRARY, TAIWAN, R.O.C.

鹽官設遷孺木著



禮部請酌處給冠帶聽其婚不名長子不攝禮其襲爵俟身後請旨從之

癸巳禮部下萬歷三十一年議補謚兵部尚書伍文定南前刑部右侍郎吳悌右僉都御史魯穆左僉都御史楊繼宗石城所吏目鄒智近議大理卿陳恪尚寶少卿益秋御史劉寬兵部尚書毛伯溫陶承學太常卿魏良弼吏部右侍郎趙用賢吏部左侍郎張元楨左諭德張元忭南禮部尚書陶承學刑部右侍郎張翀巡撫大同張文錦魏允貞戶部左侍郎郭惟賢兵部右侍郎李盛春許孚遠工部尚書劉東星戶部主

事周天佑戶科給事中楊允繩錦衣衛經歷沈鍊禮部右侍郎唐文獻戶部右侍郎張養蒙左都御史溫純南吏部尚書曾同亨鴻臚寺卿張朝瑞 上是之于是閣擬伍文定謚忠襄吳悌謚端簡魯穆謚端毅楊繼宗謚貞肅鄒智謚 陳恪謚 孟秋謚 劉臺謚 毛伯溫謚 張元楨謚


陶承學謚 魏良弼謚 趙用賢謚文毅張翀謚 張文錦謚 李盛春謚 魏允貞謚介肅郭惟賢謚 周天佑謚 楊允繩謚 沈鍊謚 溫繩謚

曾同亨謚 張朝瑞謚 時故南戶部郎中鄭材揭趙用

國權

萬歷三十八年

二




賢不宜謚禮部遂不上禮科右給事中周永春等言材父洛  
鎮宣大一等莫展嫁女遵箴出總督陝西三邊與許敬宗嫁  
女蠻酋同其謚襄敏亦宜奪不報  
甲午 世廟壽妃尚氏薨  
乙未總督薊遼軍務王象乾上所輯皇明開天玉律 高皇  
帝聖訓  
丙申吏部大計外官降斥有差  
戊戌刑部尚書沈季文致仕  
總督陝西顧其志巡撫延綏涂宗濬報斬獲猛河二酋共百

八十二級

薊鎮總兵官王國棟劾免  
辛丑清平伯吳國乾弟國坤冒襲清平伯下法司  
壬寅定觀官見鴻臚寺禮府官自南廡至堂如賓出北廡府  
佐及縣官執單自南甬道至露臺立收單出北甬道候演禮  
餘首領官仍舊

癸卯光祿卿王守素致仕

二月戊申雜谷安撫司都綱頭目枝弟堅藏等貢方物 四川湖  
廣四川貴州各長官司阿甬等族新貴州縣等土官并貴州



宣慰司安堯臣各進馬

辛未庶吉士汪輝為編脩

壬子閣臣進講章不報

巡撫陝西于若瀛卒字

人

予祭塋

乙卯禮部右侍郎兼侍讀學士署詹事翁正春知貢舉吏部

右侍郎兼侍讀學士蕭雲舉王圖主禮闈

脩江西貴溪縣龍虎山宮殿給三萬金

戊午庶吉士林欷楫張廣李光元唐大章李標為編脩李康

先來宗道張萬韓文煥丁紹軾汪元極為檢討梅之煥姚宗

文為吏戶科給事中徐養量傅振商為浙江江西道御史潘

潤民為禮部主事

己未南祭酒史繼偕為南吏部右侍郎總督陝西右都御史


顧其志改南右都御史

雲南左布政使王貽德致仕進太僕卿

庚申南兵部郎中錢一策劾李三才貪婪不法疏留中

辛酉通政司使倪斯蕙卒字應州人萬歷甲戌進士蒲

城累遷今官禔躬謹厚予祭塋



癸亥李守錡嗣襄城伯

甲子朝鮮國王李瑄入貢求封其子祉

乙丑通政使曲遷喬糾故南戶部郎中鄭材私恨趙用賢妨

公典時材疏入遷喬不以上材并劾遷喬等壅蔽

庚午福餘衛屬夷也燈芥大各求倍賞加幣三衣一襲

濬浙江餘杭縣南湖

謚泰和王載類恭莊

癸酉夜有大星色青白自參宿流西南二小星隨之

山西陽曲縣星隕天鳴

三月乙亥朔竇子偁為浙江按察使

戊寅陝西右布政使汪可受為順天府尹南太僕卿吳達可

為南光祿卿

寧夏提兵官薰如蕭如薰改鎮守薊鎮鎮守山海提兵官麻

貴為征虜前將軍鎮守遼東中軍都督府僉事姚國忠為提

兵官鎮守固原

壬午前南尚寶卿蔡悉為太僕卿南兵部右侍郎張鳴岡為


提督兩廣

丙戌內官監少監冉登封朝鮮世子李祉

國權

萬曆三十八年

五



右春坊右贊善孫如游署南翰林院

禮科給事中張弘教請選庶吉士不報

通政使曲遷喬應天府尹王一乾劾罷

辛卯策貢士韓敬等三百人各賜進士出身有差

試日貢士田吉以御史徐兆魁傳遞被糾下禮部言策未宜  
宥還籍候再試降散從之

壬辰黃嘉善為右都御史兼兵部右侍郎總督陝西劉士忠  
為右僉都御史總理河道

南大理卿林燧為刑部右侍郎光祿少卿洪文衡為太常少

卿提督四夷館

癸巳御史房壯麗劾江西湖口稅監李道遠例乞馳封宜罪  
不報

乙未夜四川石泉縣地震

丁酉改四川東川土司聽雲南巡撫節制以巡按雲南御史

鄧漢言之

戊戌

獲嘉縣牛生犢四頭二目口足


辛丑朶顏等衛入貢

謚鄭府繁昌王厚燦端順

國權

萬歷三十八年

六





閏三月丙午朔

桐柏縣大雨雹

巳酉巡撫遼東張悌辭不赴

癸丑南鴻臚卿劉日升為南太僕卿陝西左布政使崔應麒

為右副都御史巡撫陝西貴州左布政使趙健為光祿卿

丙辰起楊鎬右都御史巡撫遼東

乙丑山西提兵官王尚忠劾免

巳巳大雩

許翰林待詔瞿九思致仕給月廩五石

壬申前吏部尚書蔡國珍卒字汝聘江西奉新人嘉靖丙辰

進士授禮部主事自乞改南刑部主事累至今官素行無玷

產不千金予祭葬贈

謚恭靖

甲戌前戶部左侍郎盧維禎卒字

福建漳浦人隆慶戊

辰進士授太常博士進吏部主事周歷諸司進太常少卿歷

太僕光祿大理卿至今官性寬和無疾言遠色居家以不戢

家人見訖予祭葬贈戶部尚書

乙亥都督僉事張國柱為提兵官鎮守山西

四月丁丑正陽門樓火


崞縣有羊生子四目二尾八足

甲申南戶部右侍郎趙欽湯致仕

國權

萬曆三十八年

七



李邦鎮嗣淮臨侯

丙戌前光祿卿王守素卒字德履江南溧水人萬歷丁丑進士授杭州推官進禮部主事歷郎中至今官年六十六

丁亥器皿廠火

山西陽曲太原清源交城等地震

庚寅虜狡兔反青等數萬騎屯蒲河謀犯遼陽

乙未巡撫江西衛承芳為南兵部右侍郎

湖廣大冶縣蝗

丙申封肅府紳郡鉛山王周府肅沛京山王肅濟湯溪王在

鉅原武王代府鼎衷和川王

辛丑發金十五萬粟三十萬賑畿內山東山西河南留四川

福建今年稅賑其早飢

湖廣崇陽縣風霾

壬寅葬夷人利瑪竇于門外利瑪竇大西洋歐羅巴國

人入廣西兼通儒書所著交友論山海輿地全圖等書製自

鳴鐘鈇琴地毯等器俱改異其游南京禮部右侍郎沈澹奏


逐之日訪閩海則佛郎机人其王豐肅原名巴里狼雷先年

同黨詐行天教主呂宋國奪之改號大西洋諸星歷同人龐

國權

萬歷三十八年

八




迪裁畢 湯若望等行其教不廢

王錫爵曰斬轅氏言制天下得百里者萬國而禹貢周官言九州固在今天子幅幘內耳及古所稱諸戎亦多稟正朔矣漢通西南夷唐置安西四鎮皆去中國萬餘里則古帝王所未有也而耶律德光遣人窮天地所盡凡五年而歸開闢所未嘗至今而泰親見南極出地三十六度是與中國之載履正相值矣昔張騫見印杖葯醬知去蜀巴不遠遂有鑿空之事後有知地毯之可統而偏也將無令東出蟠木而入于流沙北自幽陵而歸以交趾觀天地之員

方驗星宿之遠近矣

貴州竹谿縣大雨雹永寧赤水二衛大風雨俄雪形如土磚壞田舍燕河路產豕二有六蹄二尾四目不乳

五月壬子吏部主事王三善乞勦李三才不報前言官劾其貪救不一前吏部員外郎顧憲成上葉向高書曰三才至廉至沒漢勤學力行孜孜不倦為古醇儒甚且比孔子故三才曰若然則攻者當屬非聖之奸不行勦何以服諸臣心云三才少負才名家通州歷官有赫聲任山東藩臬始尤著凡大盜大猾擒治殆盡民得安生但豪俠自喜好通餽遺撫淮



一 年覲大拜多結游客交譽于顧憲成憲成訪之初常疏  
三四明日備百筮憲成訝而問之答曰昨偶乏即廖今偶  
有之故種一憲成以此不疑其豪侈亦為游揚致吏部且壽  
而攻三才者即以為憲成玷三才挾縱橫之術與言官角公  
論益詘之


戊午順天府尹汪可受為右副都御史巡撫大同太僕少卿  
崔景榮為右僉都御史巡撫寧夏  
乙丑西寧叅將張應學除名兵備道副使馬朝陽鑄級以失  
陷李希梅也

丁卯工部左侍郎王汝訓卒 山東聊城人隆慶辛未  
進士令元城拜御史歷南光祿太常卿進左僉都御史尋轉  
右副都御史巡撫浙江觸忌去已復起南刑部右侍郎歷今  
官直節敢言最清約沒餘四壁年 十 予祭塋贈工部尚  
書謚恭介

壬申領左軍都督府成國公朱應槐卒 人萬歷辛卯嗣  
爵頗恪謹有稱

癸酉吏科給事中姚士慎擅離任降調

六月甲戌朔追論長定堡失事遼東副總兵佟鶴年免



丙子大學士李庭机乞休疏百餘是日赴思善門頓首仍上  
章文華門不允

已卯陝西宜君縣雨雹

七月辛亥叙甘肅文武功

蘇祿國王恭定東至五代孫安守孫等奏復原糧七十五石  
不報初永樂十五年國王已都噶以塔刺率妻子來朝還平  
德州賜祭墓命長子都麻答還國偏妃葛本寧次子安都祿  
等及培臣國人守其墓支德州倉粟免徭役所生子女月一  
石萬歷丁亥五月主事張世才裁六十九石存九石

壬子曾高臯辭湖廣按察副使不赴加太僕卿致仕

戊午賜崇王翊鑄祭壘

辛酉琉球王尚寧告倭警緩貢命續進

丙寅永順宣慰使彭元錦以助大工加都指揮使銜賜蟒服  
封婦汪氏夫人

裁莊浪縣學訓導一

已巳分守涼州右副總兵孫邦熙為鎮朔將軍總兵官鎮守


宣府

八月戊寅法司錄輕囚八十人

國權

萬歷三十八年

十一



己卯脩撰張以誠等乞 皇太子出講不報

壬午山西右布政使原邦俊為右僉都御史整飭薊州等處  
兵備

旌德王常清孝義賑飢

癸未追封魯府壽鎰安邱王謚康懿

甲申刑科給事中彭惟成上法祖交泰十六則敬天聖學尊  
賢視朝儲教容言召對立政用人勤民去讒甄別賤貨如尚  
闕異推誠彙錄以獻

丁亥前南尚寶卿蔡悉上 高皇帝程子大學錄

壬午山西右布政使原邦俊為右僉都御史

辛卯寅刻火星運行婁宿五度五十分


丙申提督宣大兵部右侍郎馬鳴鑾卒字 四川內江人

萬歷甲戌進士授工部主事至今官其鎮寧夏平字氏制五  
路台吉亦善區畫年六十三子祭葬贈兵部尚書

海州潮溢

九月癸卯朔居庸昌平提兵官都督僉事常世濟為左軍都督  
府僉書

江西左布政使李長庚為應天府尹



右春坊右庶子兼侍讀湯賓尹為南祭酒

丁未吳遵周嗣清平伯 國乾子 其國坤冒龍城旦三年

戊申劉嗣爵嗣廣寧伯

己未前刑部右侍郎詹仰庇卒字 安溪人嘉靖乙

丑進士令南海拜御史以伉直名晚稍隨時而大節不渝也

予祭葬贈刑部尚書

癸亥貴州遵義民家產豕四一徧體如象牙鼻皆全

乙丑起趙煥刑部尚書少詹事兼侍讀學士翁正春為禮部

左侍郎

前吏部左侍郎孫繼皋卒字 江南無錫人萬歷甲戌進

士第一授編脩撰至今官庚辰分校禮闈錄徐泰時泰時以

鄉舉倖售被叅者至是見收士論少之年 十 予祭葬

前巡撫河南沈李文字 江南吳江人萬歷丁丑進士

十月乙亥山東濟南青登萊等田租免并賑邱縣棠邑等


庚辰刑科右給事中周曰庠奏劾承天守備太監杜茂不法

上不報

辛巳申刻金星晝見順行在牛宿

旌肅王紳堯助餉

國權 萬歷三十八年



癸未謚脩武王朝瑒莊恪靖江王仕晟康定

丁亥 皇回子常 生

己丑載莖襲鎮國將軍攝陽城王府事

庚寅吏科給事中梅之煥叅東廠季俊誣商拷偏不報

壬辰直隸宛平知縣李嗣善下法司初尚膳監太監馮進輔

舍人毆死刑部令嗣善訊之進朝誣其索賄故下獄禮部右

給事中周永春請宥嗣善不報

甲午夜火星順行于奎宿

乙未署工部右侍郎劉元霖請禁私錢從之

辛丑諭停刑

十一月壬寅朔日食尾宿初欽天監日食七分有餘未正一刻

初虧申初二刻食甚酉初二刻復員春官正戈謙亨等又稱

未正三刻初虧約食七分有奇于是兵部員外郎范守已駁

之謂親驗日晷申初二刻略虧西南申正二刻食甚且不止

七分五十餘秒蓋歷官前後俱誤也禮部因言自萬歷元年

今日食已十餘其差或一二刻以至四刻前代如漢脩改者


二魏至隋脩改十有三唐至五代周脩改十有六宋脩改十

有八金元脩改者三至本朝二百餘年未經脩改豈能無訛

國權

萬歷三十八年

十四





今范守已及陝西按察使邢雲鷺精通歷學有古今律歷考  
綜採詳密可訪先朝給事樂護主事董湘改光祿寺少卿提  
督欽天監又檢討徐光啟工部員外郎李之藻等俱究心歷  
理又大西洋龐迪我熊三拔等俱携彼國歷法諸書伏乞如  
洪武十三年命翰林李紳吳伯宗靈臺郎海達兒回：大師  
馬黑亦沙等譯脩西城歷法事例盡錄其書以補典籍之闕  
不報

丙午脩保定清河上下關

戊午鎮守江南副總兵鄭印為

將軍總兵官鎮守廣西

神樞營右副將都督僉事胡承勛為總兵官鎮守居庸昌平  
庚申兵部司務陳禹謨以左氏為兵法之祖輯左氏略三十  
二卷上之

壬戌初定朝鮮貢祀參以生參泥濫也


丁卯諭戶工二部以各邊督撫屢請餉爾部又言帑詘因思  
祖宗以來錢糧額設何至今頃匱各省直災傷徵解不前至  
各鎮民運欠或百餘萬豈盡民負邊餉加往數倍豈無冒耗  
爾部可會議足國濟邊者毋浮言塞責毋專請內帑

己巳命順天尹禱雪

國權

萬曆三十八年

十五



辛未改鳳翔食益于靈州以解州道遠也

福建、陽縣火

十二月壬申朔鑄延綏東路西路中路各甕糧同知關防河州  
監收錢糧關防各一


乙亥予故大理卿吳定祭墓贈兵部尚書

戊子旌晉王敏淳潘王瑄堯助賑

己丑葉向高考滿進太子太保文淵閣大學士詹中書舍人  
時承天守備太監杜茂劾中城兵馬司劉文藻原陵戶當  
妖書起窮治下茂酷拷言官摘之向高引咎上大悅曰閣

臣乃為朕任過自後事皆曲聽巡按湖廣御史紀事以茂  
隸人橫下知府馮勞謙懲之茂遣人虜懇于慈聖上怒  
逮勞謙及幕官向高揭其輕發搖民心上心動下茂疏及  
世廟護守顯陵碑謂守陵諸人役有犯當奏聞不許擅治違  
者即逮地方官向高揭曰郡人訴隸人之橫御史檄勞謙暫  
拘釋忿隨即奏請非違制也乃釋

先是隴川宣撫使多安民以守備索賄叛入平緬首阿瓦  
降以安民歸我安民據蠻灣不馴巡撫周嘉謨屢招諭如故  
檄金騰道副使黃文炳署叅將周會副提兵董獻策調夷兵



七千官軍三千令指揮陳于陞烏廷輔進攻而會駐隴川百  
里外官兵決日克二柵據高嶺各軍無統師無稟畏及蠻莫  
兵至指揮退走安民乘勝逐北多所焚殺至是副總兵董獻  
策擊敗之誅安民麓川立其弟多安靖

乙未 皇次孫由檢生東宮選侍劉氏出

庚子前少保兼太子太保吏部尚書建極殿大學士王錫爵  
卒字元馭江南太倉人嘉靖壬戌進士官編脩歷禮部尚書  
直閣 上重其品署名御屏書曰清正春注獨隆文行脩飭  
更鑒張君正事慕寬厚名柄漸旁落屢裁言官于望稍損甲

午引去年七十七有遺疏

上嘉其忠愛予祭塋贈太保諡

文肅廢尚寶司丞


李維楨曰自予有知所見輔臣得君未有若華亭江陵者  
然其遺疏具在如公觸忌諱決嫌疑鮮矣 上亦時屈已  
從之即不從必使諭其所以今輔臣奏如水投石與群臣  
無異而禮貌益哀或以病數年委之而去枚卜久稽若以  
為枝官可有可無不亦輕朝廷羞當世之士耶公去就有  
禮其歸與沒 上思禮現在位信敦非清忠簡在 帝心

能然哉

國權

萬曆三十八年

十七



國權

萬歷四十一年癸丑

正月己未朔 上不朝

庚申命遼東撫按諭朝鮮備倭仍令海蓋道繕舟械預為聲  
援時倭伺海上

丙寅禮部左侍郎翁正春請東宮開講福王就國瑞王婚禮


桂王選婚年十不報

壬申南鴻臚卿錢士完為南太僕卿

國權 萬歷四十一年

藍官設遷孺木著

國家圖書館, NATIONAL CENTRAL LIBRARY, TAIWAN, R.O.C.



癸酉總督宣大涂宗濬言卜石鬼不領封下部議兵科給事中趙興邦請收回成命待其款關而後予之上諭兵部曰邊事但飭備虜封遲速豈足為中國重輕督撫不得要挾急于竣事以貽後患

壬午虜犯鎮番甘肅副總兵王化中等拒卻之斬三十餘級乙酉總督河道右副都御史周孔教卒字 江西臨川人


萬歷庚辰進士令福清擢御史歷今官予祭一戊子兵部右侍郎魏養蒙協理京營戎政

二月庚寅初宣城梅振祚宣祚私官婦徐氏諸生共攻之督學

御史熊廷弼斃計者為永緒于杖下巡按御史荆養喬謂廷弼庇奸狗前諭德湯賓尹也疏上投劾去廷弼辨杖之由以行為非發奸也左都御史孫瑋請養喬勘廷弼從之時言路喧囂給事中李成名孫振基麻僖陳伯友等御史李邦華馬夢禎魏雲中劉策崔爾進李若星湯之祥翟鳳翀徐良彥主勘給事中官應震姜性吳亮嗣梅之煥开詩教趙興邦等御史黃彥士等南給事中張篤敬御史周達等駁之上俱不問瑋不自安求去

癸巳發酒方從哲為吏部左侍郎

國權 萬歷四十一年



大學士葉向高吏部左侍郎方從哲主試禮闈閣臣止向高  
上特命之向高言票擬未使命仍送闈中票擬前此未有也  
辛丑御史劉廷元劾光祿少卿于玉立依附東林翻覆風波  
宜顯斥不報

禮科給事中曾六德以奏辨被察 部主事李春熙江山知  
縣程鵬舉語侵尚書趙煥左都御史孫煇于是煥瑞論其撓  
察謫六德香山典史

丁未南司業溫體仁為左諭德  
巡撫江西南贛崔應祺巡撫陝西牛應元俱劾罷


兵部員外郎張應徵大理寺評事陳向庭各奪俸二月俱主  
試四川得王應熊誤填周繼昌以卷號誤也放榜後改正繼  
昌訴于朝被罰

庚戌增會試額五十人

三月己未朔予故後軍都督府帶俸都督同知陳承恩祭墓承  
恩 仁聖太后從子

封宣壑慶符王

乙酉命禮部嚴覈庚戌搜卷中式十八人硃墨先是韓敬閑  
住謂不足盡宜草秩聽勘至是科道交論而前禮部右侍郎



吳道南上疏簿誤入賈繼春卷繼春時知任邱揭辨始白蓋  
搜中本賀娘非繼春也


草清江廠舡務提舉以淮揚二府同知領之  
命脩建倉廩歸戶部

四月庚寅<sup>故</sup>總督尚書李文子楨陞中書舍人應襲錦衣衛指揮同知至是原承文廕  
淮安大冰雪

壬辰禮部左侍郎翁正春為吏部左侍郎江西左布政使石  
應麟為順天府尹

兵部尚書王象清請福王之國有旨親王之國祖制在春今  
踰期矣其明春舉行  
甲午常澶嗣上蔡王  
乙巳建州衛以八百騎屯清河湖市中又合西虜  
瓜兒鬼卜兒宰賽等二十四營同掠北關問匿塌狀巡撫張  
濤告急

辛亥東虜炒化糾宰賽煖鬼等以萬騎屯玉文谷陷七臺殺  
千總佟脩鳳等我死亡五百四十人八張濤稱堵截功兵科  
都給事中張國儒駁之



已卯前巡撫鳳陽李誌為南刑部右侍郎

五月己未少詹事孫慎行為禮部右侍郎署部事


甲子四川廣安州星隕聲如雷

丁卯左都御史孫瑋左副都御史許弘綱各求去不允仍諭吏部都察院曰老成凡人皆杜門疑畏甚傷國體今後如恣肆煩言誣奏要譽必罪不宥

辛未葉向高言福王之國奉旨明春舉行頃復以庄田四萬頃責撫按如田頃足而後行則之國何日聖諭明春舉行亦寧可必哉福王奏稱祖制謂祖訓有之乎會典有之乎王所

引祖制抑何指也如援景府則自景府而前諸王庄田並未出數千頃外獨景府踰制 皇祖一時失聽至今追咎王柰何尤而效之自古開國承家必循理安分為可久鄭莊愛太叔段為請大邑漢竇后愛梁孝王封以大國皆及身而敗覆轍相仍難以枚舉臣不勝忠愛之念不得不明言之耳吳谷左庶子何宗彥為少詹事翰林院署事 陳紹 故南吏部右侍郎趙壬申故巡撫大同張悌贈兵部右侍郎故南吏部右侍郎趙士登贈右都御史

乙亥巡視兩淮鹽法御史徐縉芳賍至巨萬工科給事中劉





文炳論之三縉芳再辨署都察院事刑部左侍郎張問達言  
不可不問遂下巡按訊之

癸未裁貴州新添衛叅將

乙酉烏撒土舍安效良與安龍翔爭立朝議以效良嫡裔立  
之雲翔益悍遂劾良焚劫烏撒四川撫按吳用先彭端吳各  
言効良為安雲龍從子雲翔其從弟親疎判然仍立効良姑  
復雲翔冠帶報可

丙戌封求桂晉王


壬午卜石鬼五路台吉等始市得勝堡

六月己丑錦衣衛百戶王曰乾訐秦孔學與妖人王子詛咒  
皇太子又刊木像 聖母 皇上釘其目語多涉 皇貴妃  
鄭氏福王葉向高語通政使 疏駁同上之 上怒向

高揭曰乾孔學皆京師亡賴訟刑部未竟又擅入皇城放炮  
刑部擬辟遂請張至此此大類往年妖書但妖書匿名難詰  
今兩造在法司其情立見 皇上第靜俟弗為所動 則滋  
擾 上意解遂不問 東宮遣取閣揭向高曰 皇上既不

問則 殿下亦毋庸更覽尋御史 以他事叅曰乾下獄

設遷曰妖人詛咒是江充巫蠱之故智也稍迹其事衛太



子之禍立見福清以妖書為鑿聲色不移而奸弁之計沮矣故曰見怪而不怪其怪自消

虜恭順義王卜石鬼始受封

戊戌福王求食鹽戶部以路王例歲支本色鹽千引外加三百引報可

辛丑巡撫寧夏崔景榮考滿加右副都御史

壬寅復 拜寅貢賞先年犯南水谷停之

謚內江王宣諤恭穆

丙午寧夏地震蒲縣大蝗

諭內閣福王明春之國不再犯

辛亥免湖廣鄆縣田租有差

戊申廣東珠池自萬歷三十二年十二月望恩詔停採時金吾右衛指揮倪英上章請開于是刑科給事中郭尚賓論開採之害不報

乙卯炒化乃蠻等首連犯平虜大寧張濤告捷


七月丁巳朔禮部請瑞王婚時五年二十三選淑女待期者四年

己未始立韓府宗學

國權

萬歷四十一年

七



永折直隸安東縣田租

乙丑左副都御史許弘綱致仕

兩京江西河南大水

丁卯宣府大同雨雹傷稼


總督兩廣兵部右侍郎張鳴岡為南刑部尚書

戊辰王繼芳嗣靖遠伯

癸酉寧夏天鳴

巡撫浙江高舉免以貪鄙為南陝西道御史趙紱論之  
貴州苗賊劫鎮遠衛官兵失利

八月己丑廣東瓊州生黎羅活等掠儋崖瓊定諸郡合熟黎勦  
之以官兵駟騷反敗命禡知州林應材等秩初生黎以番易  
土人牛巡兵奪牛黎忿殺數人叅將 倖功兵倫姚善等  
率眾掩之大敗總督張鳴岡遣勦又大敗遂調大兵黎走險  
深入斬老弱數百級官兵至一崖有蘇軾碑明示用兵之兆  
亦奇矣廣西提兵張萬化征黎先登深入無後繼發憤自焚  
死萬化世福寧衛指揮使歷銅山把總温州守備惠潮叅將  
為人洞精簡易食糲衣粗給米與士卒雜戰得海盜用之以  
攻他盜他盜悉遠徙



庚寅葉向高屢引疾不許向高言閣員大僚巡撫各廢棄候

補各官上俱報補聞

甲午始命暑讞

乙未山東濟南兗登萊東昌大水青州大風雨拔木發屋

辛丑廣西湖廣大水

折漢川災租免黃梅長沙湘陰善化等縣逋欠且賑之

乙巳命錦衣衛釋滿朝薦王邦佐怵孔時

丁未選庶吉士曾楚卿葉燦陳玄暉羅喻義李國樞繆昌期

孟紹虞王應熊孔貞時劉鍾英周希令姜逢元楊景辰劉鴻

訓馮銓韓繼思王祚遠申廷謨恭謙貞史永安李孫定蕭命

官胡亂嘉

庚戌趙祖芳嗣武靖伯

辛亥夜月犯軒轅南第五星

壬子增武舉三十人

命南京五品以上官仍赴京給由其餘免赴京考滿

前巡撫貴州王體復卒山西太原人隆慶二年進士授工部


主事歷今官予祭塋

甲寅虜克教等犯遼東中後所官軍擊斬二十餘級

國權

萬曆四十一年

九



九月丙辰朔建州衛

遣子巴卜海入質巡撫張濤以

聞自攻北關越耕遼東地遣使千骨里訢舊耕地一成化某  
年一萬歷二十七年至今無異又北關匿塔非我犯順也願  
質其第七子委真哥出巴卜泰弟也濤信之遣官藉大成往  
諭同頭目阿都千骨里等三十餘人至廣平兵部言真偽難  
辨留之見詔不如遣還從之

設遷曰信不由中質無益也遣還質子于策未為失也而  
不救北關狗其飾說彼所謂鷲鳥將擊必斂其翮而我昧  
于控縱徒為人玩弄于股掌之上耳

丁巳巡撫貴州胡桂芳剿蜡業阿抱克之初普安衛指揮王  
嗣統追賊見殺至是檄宣慰安堯臣兵乃克之

遼東大水

復故巡撫右僉都御史阮鶚原官予祭塋從其子自華

福建

之請

戊午宣延綏寧夏甘肅之捷延鎮斬虜五百六十有奇寧鎮  
斬一百七十餘甘鎮斬三百三十餘


庚申虜犯大寧堡官軍拒卻之

隆卜雙善二族番人掠田家寨巡視陝西茶馬御史張銓以

國權

萬歷四十一年

十



聞初番人歲中馬百四十三賞幣二茶十篋銀牌十西路副  
總兵祁德令家丁混領致變命貶德二級

癸亥總理河道工部右侍郎兼右僉都御史李景元卒字

直隸大名人萬歷己丑進士授戶部主事歷今官守制未  
任予祭葬

丙寅前南刑部尚書李禎卒字 陝西慶陽人隆慶五年

進士知高平拜御史至今官予祭葬

庚午虜撤勒台吉等犯榆林總兵官官秉忠敗之  
復炒化撫賞

己巳夜月食

辛未兵部尚書王象乾請福王封舡如往日潞王例時通灣  
集快船二百二十有奇民船四百有奇候久資竭人多怨苦

壬申吏部方從哲前吏部左侍郎吳道南並為禮部


左侍郎

尚書兼東閣大學士

乙亥初朝鮮國王李必奏臣倭之枉詔曰朝鮮世稱恭順侯

恭朕

所素知倭奴窺伺還嚴行脩備以絕狡謀不必以道路訛傳  
自生疑累其釜山港設市視先年條議舡數留浦日期不得  
尺寸踰越以起戎心



吏部尚書趙煥乞休出城時推年例河南道御史馮北京以不預聞糾之御史孫居相又糾煥命奪居相俸六月戶部郎中賀煥謫

先是烏撒土舍安雲翔逐安効良寔水西安堯臣主之至是川咀死堯臣借追印發兵數萬薄霑益州城下恣掠命兵部議其罪

癸未夜月犯木星


十月乙酉朔禁浙西人販日本

丙戌南刑部右侍郎李誌為吏部右侍郎

戊子許左都御史孫瑞致仕仍以大臣徑去責之

禮科給事中开詩教言今日之爭始于門戶門戶始于東林東林倡于顧憲成後刑部郎中于王立附焉憲成自賢王立自奸賢奸各還其人而後奔競招搖彘權布黨羽翼置之言路爪牙列在諸曹閔通大內閣部操縱朝鮮大權握于東林三年京察則處王紹徽年例則處朱一桂行勘則處熊廷弼黨同伐異顧憲成而在寧願見之哉未刺葉向高尚書奏辨已丑建州衛

攻北關圍金台失白羊骨十九寨二首告急搃兵薛三才巡按張五典請援北關甚切發火兵三



百人助之并粟菽千石鍋六百建人引去  
折松宿望江懷寧桐城銅陵東流當塗繁昌等縣災租其高  
淳縣永折之

壬辰以廣東稅監李鳳疾久命內臣阮升往刑科給事中郭  
尚賓言先年廣西稅監沒令四川稅監兼理今何事更遣也  
不報

丁酉兵部尚書王象乾署吏部事工部尚書劉元霖署都察  
院事

己亥剿四川番猺議用兵四萬留本省額稅二年贍軍

壬寅太僕卿林梓為通政使

丙午諭內閣曰 聖母稀齡在邇朕當親率 皇太子諸王  
祝賀擇次歲春三月涓吉而外議以上藉口祝壽留福王也  
禮部請期諭如之葉向高封還御札力言其不可


十一月己未錄甘肅麻山湖功進總督周磐兵部尚書廕錦衣  
衛千戶搃兵柴國柱廕副千戶

錄延綏響水保寧功進黃嘉善太子太保兵部尚書廕錦衣  
衛指揮僉事涂宗濬進兵部尚書廕錦衣衛百戶劉寬敏兵  
部左侍郎廕錦衣千戶張承胤官東忠俱都督同知廕本衛

國權

萬曆四十一年

十三





副千戶餘各有差

錄寧夏黃河毛貴步口斬獲銀定功進崔景榮兵部右侍郎  
廕錦衣衛百戶

庚申巡撫遼東張濤劾免下所部議

進葉向高少保戶部尚書武英殿大學士廕中書舍人

辛酉右庶子兼侍讀顧秉謙為少詹事右諭德兼侍讀學士

周盛登<sup>道</sup>盛以弘邛禾實為左庶子兼侍讀沈馬兼脩撰王毓

宗劉一燦南司業顧起元為左諭德兼侍講左中允兼編脩

何如寵周如磐張以誠為右諭德兼侍讀講龔三益為右中

允兼編脩檢討薛三省錢象坤鄭以偉為右贊善兼檢討

壬戌命百官禱雪

前少詹事兼侍讀學士全天叙卒

前兵部左侍郎賈應元卒字直隸遵化人嘉靖壬戌進


授工部主事歷右僉都御史巡撫大同至今官予祭塋贈兵

部尚書

增南京湖廣學道各一南京于西自廬池鳳陽寧國太平應

天安慶滁和廣德為一東自淮徐揚鎮江常蘇松為一湖廣

分洞庭為粵武昌漢陽黃州承天德安荆岳鄖陽襄陽為一



其南常德長沙衡長永寶慶為一

壬申長至日御馬太監邢洪毆巡城御史凌漢翀于朝洪侵馬料斃人騰驤四衛千戶蘇應詔等訴于漢翀逮治其校人故銜漢翀群詳獄門欲奪校人事聞御史俞誨李徵儀李凌雲等乞嚴訊不報

已卯 定襄縣天鳴地震

虜銀定歹青等犯西邊官軍拒斬一百五十五人


十二月甲申朔蠲南京萬歷十五年五至十八年漕折積逋

庚寅進葉向高少傅吏部尚書建極殿大學士廕尚寶司丞

定福王明年三月二十四日之國

辛亥時臺省分門戶共改御史湯北京孫居相周啟元李邦華等皆以東林而姚宗文劉廷元官應震吳亮嗣田一中等攻之戶部郎中李朴為東林不平論科道結黨贖貨于是葉向高為解降朴三級調外仍戒諭科道

御史潘汝禎等禮科給事中周永春等請勘庚戌場弊以湯賓尹分閱易二房隔房搜中十七人韓敬王濬孫枝芳王宇王沈馮汝京邱兆麟陳應元趙昌期楊嗣昌馬程德夏嘉遇朱童蒙史孔吉楊之璋俱文優無論周士皋文劣已沒亦無



論惟兩房互易者分別議處時諸人並任且給由而追銜其  
文前未有也

癸巳補給老樞軍民宣慰司印

丙申福王請減庄田從之定額二萬

壬寅太僕少卿楊應聘為右僉都御史巡撫寧夏山西左布

政使郭光復為右副都御史巡撫遼東廣西左布政使黃承

玄為應天府尹

甲辰虜犯寧遠叅將郭有中百戶劉國明死之後贈有中

督僉事國明指揮僉事立祠

丁未 皇太子元妃郭氏薨

庚戌司業孟時芳為右春坊右諭德署翰林院

廣東欽州漸凜營把總譚三達入安南稔車山開釁旋平之


定宋儒羅從彥李侗從祀孔廟

李之藻曰羅李二儒位列楊龜山之下似也但元晦受業

于延平之門伯恭仲默亦皆後輩西位躡羅李并躡龜山

分義尚乖必須更定

雲南宜良諸生梅友竹無賴見逮購喬甸賊攻縣知縣龔著  
拒卻之殺友竹于通海賊為沐氏庄丁歲流劫



國權

萬歷四十二年甲寅

正月甲寅朔 上不朝

已未享太廟

庚申日講官領詹事府事禮部左侍郎兼翰林院侍讀學士

翁正春歸省

山西按察副使許繼新為尚寶司卿光祿寺丞添註陸彥章


為少卿前御史嚴一鵬為大理寺右寺丞

國權

萬歷四十二年

一

國家圖書館, NATIONAL CENTRAL LIBRARY, TAIWAN, R.O.C.



巡撫河南錢夢得卒字  
浙江桐鄉人萬歷癸未進士令  
鄆陵拜山西道御史歷南大理寺卿晉今官未任卒于家予  
祭葬


辛酉前巡撫遼東張濤奏建州衛  
台卜吉絕婚開原人不當助之其語充向不入內地一旦率  
其子抵撫順關託備禦官李永芳以聞

癸亥設寧夏古水井守備先是松山既復流民漸聚而河凍  
虜輒馳擾寧夏中衛不及援兵部酌要地以守之  
乙丑南蠻番猓平摠兵劉綎自桐槽進師大小五十六戰斬

三千二百三十六級

丁卯邊餉乏戶部會議請借內庫金花銀戶科給事中官應  
震言內庫則承運庫為最外庫即太倉也承運庫歲貯土官  
子粒銀四萬九千四百三十三兩又夏秋米麥共折金花銀  
一萬二千七百二十九兩七錢零太倉四百餘萬而其邊餉  
則三百八十九萬有奇而內帑之即為外儲也子粒金花  
之原為邊餉也世宗朝金花銀子粒俱儲太倉充餉不知  
何年移內請仍還其故不報

己巳禮科給事中余懋孳請覈積逋裁冒濫不報



甲戌 慈聖皇太后不豫

丁丑命催兩淮運司等通課

戊寅南工部右侍郎胡桂芳改北兼右僉都御史總理河道  
提督軍務太常少卿提督四夷館添註劉一焜為右僉都御  
史巡撫浙江右通政梁見孟河南左布政使梁祖齡南太僕  
寺卿錢士完四川左布政使徐成位俱為右僉都御史巡撫  
湖廣河南山東雲南前太常少卿孟麟起補原官仍提督四  
夷館

二月甲申提督陝西三邊軍務兼理糧餉右副都御史兼兵部

右侍郎黃嘉善為兵部尚書協理京營南吏部尚書鄭繼之  
改吏部尚書

丙戌命工部左侍郎魏養蒙錦衣衛都指揮使梅國林護送  
福王


己丑太僕少卿陳禹謨為太僕卿

辛卯 慈聖宣文明肅貞孝端獻恭熹皇太后李氏崩

癸巳撫治鄖陽兼右副都御史衛一鳳為南兵部右侍郎

甲午頒遺詔曰予以涼德獲侍 穆宗莊皇帝于潛邸敬共

夙夜罔懈于中幸誕育今 皇帝冲齡踐阼在宥四十餘年



天下臣民頌太平之庥者咸歸功啟祐予有榮施焉尊養  
並隆福履純脩嘗以享受太過為懼茲者遘疾頻危 皇上  
齋居露禱竭盡孝誠願命數已定予亦怡然大還其何怛化  
之有今宗社乂安政務脩舉封婚諸大典皆有定期翼子貽  
孫復何顧慮惟念 皇帝大孝超越古今不無過于哀痛良  
軫予懷當順變節哀靈承帝眷親賢圖治永保鴻基皇太子  
且乘時進學無忝元良大小臣工相與輯睦以事 皇帝是  
皆予惓惓之至念也所有赦罪卹災等事予已親屬 皇帝  
另詔施行云々時業尚高以楚宗殺撫臣前罪當死論謀反


非是當赦啟上入遺詔中

丙申南戶部右侍郎兼右僉都御史提督糧儲趙欽湯卒字  
師商山西解州人隆慶二年進士令掖縣入戶部主事別歷  
中外四十餘年並有令名于摠儲尤著年七十九贈戶部尚  
書予祭塋

丁酉許魯府以漢襲滋陽王

癸卯故遼東寧遠將軍郭有中贈都督僉事百戶劉國明贈  
指揮僉事立祠以禦虜死

甲辰刑部訊壬子劉琛賄有狀朱良棟罰三科張世偉削籍



俟三科後聽復試房考王象春如鄒之麟例于任日降用  
已酉議築遼東邊牆巡撫張濬言之下所司

命出倉米五萬石賑畿內

庚戌上 孝定貞純欽仁端肅弼天祚聖皇太后尊謚

辛卯頒詔

太僕少卿李時華為太僕卿轄東路

三月乙卯山西按察使陳所蘊為南太僕少卿

丁巳賜故兵部員外郎楊追葬

庚申順義王封貢成進總督涂宗濬太子太保餘各有差

設遷曰卜石鬼弛命意非有蹄林之會細柳之窺也遼胡  
媼死五路台吉恃所部強躑躅旦夕脅我金繒耳亟之取  
侮緩之取弭一時過于張皇幸涂宗濬馭得其道亦制閩  
之常賞浮于功所以勸邊臣者殷矣


大理卿林如楚為工部右侍郎

辛酉工部尚書劉元霖卒字 直隸任邱人萬歷庚辰進

士令安陽入吏部主事至今官筮仕三十餘年饒有丰采予

祭塋贈太子太保

辛未減陝西織造羊絨被服三分之一





甲子福建稅監高霖在閩久怙惡通倭抑勒行戶不予直福  
州人激怒圍其署霖出火箭射焚民居亡筭所殺傷百十人  
巡撫袁一驥不應霖策馬挾劍蒼頭橫刃突入撫署鈴閣軍  
衛遽散手拉一驥步行市中刼副使李思誠僉事呂純如都  
司趙庭張鶴翀等為質明日同知陳勇為代乃還諸公  
辛未許鑄唐府德安王器塲印  
乙亥巡撫延綏兵部右侍郎劉敏寬總督陝西三邊河南左  
布政許汝魁為南光祿卿南太僕少卿添註汪以時為南太  
僕卿

左庶子兼侍讀鄧士龍為祭酒

丙子福王常洵之國中宮例有戒勅而皇后寶前燬命刊木  
代之時舟千一百七十二艘從卒千一百人攷宣德時鄭淮  
荆慶梁五王之國各舟三百成化時德秀吉崇徽五王之國  
各舟七百餘興岐二王各舟九百餘挽卒數萬景王從官二  
十七人校尉六百人卒千人今加潞王二百四十八艘潞  
王庄田畝徵一分今徵三分


設遷曰寵王就國中外交為東宮幸如釋重憂又長慮之

臣有梁孝王入朝之危給練魏大中 奉使過其邸謂王

國權

萬歷四十二年

六



易與耳無可慮也噫食味忌甘馳坂忌峻雒陽居四達之  
途積愛生休見妬造物或有繇乎

丁丑勘韓敬閏節時惡湯賓尹哥及敬

庚辰日色黃色赤如赭

虜犯平虜等堡官兵拒卻之

建州衛

復墾前罷耕地開原奏議薛國用力諸驅


逐會巡撫郭光復興任援兵踵至朝廷發三十萬金募兵而  
光復遣佟養性往休以利害復導約退地定界國用又議併  
三岔安撫柴河靖安及白家衝松子為界巡按御史崔鳳翀

助之于是依界鐫碑番書或盜漢馬膠之于碑下示泰順

四月甲申許德府由桑嗣清平王

丙戌詔曰朕以 聖母遠和日夜間視竭誠祈禱願移青于  
眇躬恭承慈諭內外輕罪宜事赦除災傷錢糧查行蠲免朕  
方詔所司奉行德意而仙馭遽升徽音遂杳仰追遺訓益愴  
予懷爰沛非時之恩用慰在天之念所有條款開列于後云  
云嗚呼孝惟錫類普天沾覆露之恩善則稱親薄海頌慈雲  
之庇布告中外咸使聞知

癸巳許由林封永年王鑄印



已亥謚慶府壽陽王倪瓛僖憲晉府寧化王慎鑿溫裕周府  
汝寧王在嗟僖順韓府咸陽王煥漫康僖

甲辰令百官禱雨

五月甲寅葉向高言祖制凡母后神主神位並不書太蓋臣子  
尊稱之曰太若神主神位列于帝側于禮未宜臣等謹遵  
故事題孝定貞純欽文端肅弼天祚聖皇后從之

酉刻雷震直隸密雲楊窪臺樓

御史董定策言本朝道學薛瑄外霍州學正沔池曾端戶部  
主事河南龐時熙吏部主事新安鯉宜祀于其鄉不報孟化

乙卯夜大雨雹

丁巳安南都統使黎維新入貢

壬戌葉向高方從哲及給事中郭尚賓各劾福建稅監高案  
通倭不報

丙寅存問前大學士申時行沈鯉

己巳雷火燬永平石灰墩臺


己卯潞王翊鏐薨年十謚曰簡

六月庚寅孝定皇太后梓宮發引甲午祔昭陵

戊戌太常寺丞趙一鑑以夕奠梓宮遲至奪歲俸內官監某

國權

萬曆四十二年



受把摠李貞等四百餘金幕市丐應役致梓宮徐行下李貞等法司下內官于內禮監

召高竄還稅歸江西潘相并免承天守倫太監杜茂

七月祭亥諭釋輕囚

己巳南大理卿劉士忠卒字 四川華陽人萬歷甲戌進

士授真定推官擢御史歷右僉都御史摠河至今官予祭葬贈工部右侍郎

前少師大學士申時行卒字汝然江南吳縣人嘉靖壬戌進士第一官編脩歷今官勅使存問未至年八十予祭葬贈太

師謚文定

辛未貴州新添平越叛苗平

湖南辰沅苗作亂

八月丁亥封追朝鮮國王李瑄生母為次妃


辛卯前吏部尚書孫丕揚卒字 富平人嘉靖丙辰

進士授行人拜史進大理寺丞論去已荐起右僉都御史巡

撫保定轉右副都御史論南去調南京起應天尹歷南右都

御史予告起刑部尚書改吏部再任素砥名節數被毀終不

少變予祭葬贈太保謚恭介



甲子罷禮部右侍郎孫慎行慎行拜疏去 上切責之方從  
哲請許回籍

己未右春坊右諭德兼侍講劉一燝顧啟元為右庶子兼侍  
讀左春坊左諭德王毓宗為右庶子兼侍讀檢討趙師聖為  
右贊善兼檢討

戊戌兵部尚書王象乾致仕

少詹事顧秉謙為禮部右侍郎協理詹事府教習庶吉士

癸卯葉向高大學士致仕進太子太師

丙午提督宣大軍務兵部尚書涂宗濬召還兵部巡撫湖廣

李德陽為南工部右侍郎太僕少卿馬從聘廣東左布政使

林 山西右布政使曹愈參陝西右布政使張鶴鳴等並

為右僉都御史巡撫廣西雲南貴州太僕寺卿陳禹謨為右

僉都御史撫治鄖陽廣西左布政使林 廈為右副都御史

巡撫廣西

少詹事孫如游為詹事

沈淮為南禮部右侍郎南祭酒

蔣孟育為南吏部右侍郎


貴州鎮筵等處紅苗恣掠

九月庚戌朔吏部奏列廢謫待起諸臣不報

國權

萬曆四十二年

十



辛酉大學士方從哲請召舊輔沈鯉不報

癸亥吳崇禮為兵部左侍郎兼右僉都御史提督宣大山西軍務

甲子夜月食

丙寅許由權嗣舒城王常澧嗣安東王

福王奏貨賣欽賜食鹽吏科給事中姚宗文言不可勿報

丁卯湖北武昌地震

庚午諭停刑

山西河南地皆震

甲戌提督陝西三邊黃嘉善奏猛克什力諸虜犯懷遠保寧

官軍擊斬二百二十餘級

十月庚辰朔南戶部尚書衛承芳改南吏部尚書

己丑趙祖芳嗣武靖伯

甲午效銘嗣沁源王

前南通政司徐申卒


辛丑諭平緬夷功

丙午御史劉廷元論宣大提督涂宗濬遣官邀貢使避難躁進遂拜奉兵

國權

萬歷四十二年

十一



十一月己酉朔予故應天巡撫陞兵部右侍郎劉應麒祭墓

庚申立太山天仙金闕碑

癸亥許榮世子常滾嗣榮王

乙丑夜大星逆行柳宿

御史劉廷元奏李三才占廠盜皇木等不法令又結內侍起官不報

協理京營戎政兵部尚書黃嘉善進太子太保

丙寅御史劉光復奏李三才擅用皇木起宅侵東廠地一百餘畝時給事中劉文炳姚若水官應震御史劉弘元潘汝楨

等交論之皆不報

丁卯戶科給事中姚宗文等以福王請蘆洲請故相田地且請立馬店鹽店炭廠竹廠山場等廠令并食鹽而欲貨賣矣宜申諭遵守成法毋惑群小

十二月己卯朔吏部右侍郎李誌為左侍郎

壬午薊鎮總兵官蕭如薰罷

癸未許淮府翊鏞嗣富城王

丙戌許益府由桂封嘉祥王


乙未前都督同知甘肅總兵官張臣卒字

國權

萬曆四十二年

十一

陝西榆林衛



人起健兒累功至大將嘗戰棒槌崖斬級獨多議者抑之語  
次至泣下年八十七子承胤

廣西歸德州土目黃餘率狼兵餘爭羅定田屯種村落不數  
日衆至二千恣掠官兵大集而遁

癸卯夜月掩心宿火星


甲辰左庶子兼侍讀韓爌為少詹事兼侍讀學士協理詹事  
府纂脩玉牒右贊善兼檢討張邦紀為右諭德兼侍講清理  
貼黃

乙巳故祿豐知縣蘇夢暘贈光祿少卿廕子入監立祠故嵩

明州吏目常宗孝贈嵩明州同知廕子入監故嵩明州學正  
龍旌贈國子監博士夢暘封川人歲貢

禮部右侍郎兼侍讀學士教習庶吉士顧秉謙省親  
建州衛 以五百騎叩闕訴北闕負婚

廣東崖州黎作亂總督張鳴岡分兵勦平之已貴平道御史  
魯之賢劾其招寇媚璫謂諸黎不足兵也





國權

萬歷四十三年乙卯

正月戊申朔 上不朝

辛亥昌平總兵官計輔寧夏總兵官姚國忠甘肅總兵官王允中俱劾免

丙辰禮部請瑞王婚禮禮科給事中姚永濟亦言之並不報

己未趙王常清謚曰穆蜀曰王宣圻謚曰端

壬戌前戶部尚書趙世卿卒


國權

萬歷四十三年

一

國家圖書館, NATIONAL CENTRAL LIBRARY, TAIWAN, R.O.C.

藍官設遷孺木著



甲子命兵科給事中吳亮嗣往勘李三才盜木占厥事亮嗣報其實下其舍人法司時攻三才甚衆而所居寔常材云

乙丑時福府承奉徐達丈田山東擾民巡按御史趙日亨乞令有司畝徵三分輸府奏上如故

山西稅監張忠死歸內官張燁

福建右布政使竇子偁罷初高竄之變子偁行至節鎮坊不入轅門兵科給事中吳亮嗣論其幸禍子偁遂決云

戊辰四川鞏昌地震

議築浙江蕭山縣捍海石塘

禮部署侍郎何宗彥言代府鼎澮寔非濫妾子鼎莎寔非嫡子今宜正其名不報


壬申提兵官李懷信鎮守甘肅杜文煥鎮守寧夏白慎脩鎮

守山西劉國光鎮守居庸昌平皆以原官

甲戌鞏昌地又震

閣臣請東宮講學及瑞王婚

丙子前少師大學士沈一貫卒字肩吾浙江鄞縣人隆慶戊辰進士授編脩直講官歷諭德庶子少詹事進禮部右侍郎改吏部憂去起禮部尚書加少師兼太子太師吏部尚書建



極殿大學士始善屬文員時名及在相好順旨取容于妖書  
楚獄尤不愜人意遂損厥望而斂飭子弟尤存敬畏云予祭  
墓贈太師謚文恭  
丁丑命王應麟為右副都御史總督糧儲提督軍務兼巡撫  
應天

二月己卯江南揚州地震

詹事府孫如游為禮部右侍郎兼侍讀學士同劉楚先教習  
庶吉士

壬午太僕寺卿劉曰梧為右僉都御史整飭薊州邊備兼巡

撫順天

南御史汪有功言福府內侍李進忠擅祭告孝陵不報


癸未江南泰州地連震

甲申南署兵部事工部尚書丁賓以南衛所官入京襲職苦  
費其官皆國初世臣且貼黃在南京不同外衛請臣部勘結  
會官比試類奏移咨兵部候襲從之

乙酉摠河侍郎胡桂芳疾去

南戶部右侍郎摠督糧儲趙欽湯為戶部尚書

貴州仲苗劫掠殺指揮楊可久百戶劉應武



甲午巡撫雲南周嘉謨六年考滿加右副都御史

丙申巡撫甘肅荊州俊為刑部右侍郎

壬寅雲南雲州土官改設流官

甲辰虜銀定犯甘肅紅沙堡

益王常遷費謚曰敬

三月丁未朔建州海西衛

等入貢建州日強每入貢

千五百人橫索車價毆駟卒當事裁之令在邊給賞至是止

十五人

戊申有星晝墮清豐縣之東流村入地一尺五寸聲如雷

辛亥浙江織造太監劉成死遣內官呂貴收其稅課

壬子天津地震

巡撫福建袁一驥言琉球貢限十年既祭五條貢昨冬十一

月遣祭堅貢馬遵前命勒還


丙辰命順天尹禱雨

遼東總兵官張承胤疾去

戊午予故吏部右侍郎李尚思祭塋贈兵部尚書

壬戌故遼陽叅將吳希漢下獄萬歷丁酉十一月虜犯遼瀋

失事至是凡十八年案未結且謀起官被糾也



甲子楊桂以原官充提兵官鎮守臨洮  
改福府食鹽于長蘆

己巳脩胡良巨馬二河橋

癸酉虜犯燕河路

四月戊寅湖北石首縣兩寂有大小紅黑

己卯虜犯曹路

辛巳許留山東稅銀半賑青登萊飢民

壬午宣府黃花鎮柳溝大火

癸未山東掖縣有鴉街火燬海神廟

諭脩靈應宮部科執奏 上以先太后意不聽

庚寅福府隨校八百人譁于河南東門蓋千戶龔孟春嗾之  
也巡按御史張至發以聞

巡撫福建袁一驥罷

蜀王奉銓府殿災


丁酉虜犯薊鎮馬蘭谷

己亥兵部左侍郎崔景榮署部事攝京營

甲辰前協理京營兵部尚書舒應龍卒字

萬歷壬辰進士官知縣陞主事歷今官

全州人



刑部左侍郎張問達辭都察院署印

五月丙午前南禮部尚書王弘誨卒字

廣東瓊州人嘉靖

乙丑進士官檢討歷祭酒南吏部右侍郎改禮部進尚書致

仕年 十 予祭葬

丁未巡撫山西吳仁度請給貧宗祿糧

戊申大學士吳道南入朝

己酉封侯拱辰駙馬都尉

京師大風霾

傳制冊封諸王

薊人張差業販薪內臣龐保劉成奉鄭貴妃命作鉄瓦佛殿  
于通州陶瓦數負其薪直致狂疾持挺入慈慶宮門傷闈人  
李鑑徑至前殿階內侍韓本用等收送東華門守備指揮朱  
雄蓋東宮侍衛落宮門僅老闈二像門虛無人殿上才七  
八人蓋欲扣闈訐二璫不知為誤入東宮也

辛亥巡視皇城御史劉廷元奏張差語言顛倒似風癲但宮  
門何地守衛何任尚可勿窮治乎


乙卯刑部訊張差論死時郎中胡士相岳駿聲趙會禎勞永

嘉

國權

萬歷四十三年

六



予故刑部右侍郎沈一龍祭墓

巡撫宣府汪道亨考滿加兵部右侍郎

戊午刑部主事王之寀言臣今十一日飯因見張差非風癲也臣問之云薊人馬三道李守才嗾從內臣某入京飯某家俾我挺入宮門覬富貴乞廷鞫其情立見不報

已未司禮監左監丞張時政內官監右監丞提督太和山兼分守湖廣行都司


辛酉戶部郎中陸大受言青宮何地男子何人几驚儲蹕臣子所不忍言乞 皇上大奮乾綱務窮首惡消邪謀疏語有

奸戚蓋指鄭氏 上惡之不報都督鄭國泰亦揭辨

壬戌有豕妖見遼東白塔峪堡

刑部再訊張差如前律時王之寀奏出輿議藉御史過庭訓檄薊州知州戚延齡按之報風癲確甚有刑曹過右庶子鄭以偉語時論相左以偉曰事涉親王俱廷臣公勘候 上裁今日何等事而以西曹擅自臆決遠制多矣尚論意見之柄鑿哉

乙丑再訊張差其嗾從內臣則脩鈇瓦龐保其飯于內臣則劉成也請下二人法司



遼東長寧等堡自三月來火五作焚壞七集

套虜猛克等千餘騎犯延綏波羅堡

已已諭內閣以張差事下法司究主使毋株連亡辜

辛未諭增東宮護衛詰奸宄

工科給事中何士晉言張差挺擊事閔宗社安危旬日以來

似猶泄豈王之案果無故發其難端耶不報

癸酉已刻 上詣慈寧宮告慰 孝定皇太后几筵徧召廷

臣入 上練冠練袍西向 太子玄冠青袍侍皇孫三叙立

階下 上諭曰癩人挺擊于朕何與外議紛紛爾輩誰無父

父子乃欲離間我乎適見刑部郎中趙會禎獄詞止磔張差龐

保劉成餘無辜毋被及遂手太子示諸臣曰此子極孝我甚

愛之爾等有子長大獨無愛乎御史劉光復後至不及聞輒

大言 陛下極慈愛 皇太子極仁孝 上怒其率呼緹校


何在無應者令內臣收之挺擊交下 上戒毋妄筮令直廬

待命方從哲請霽威勸 皇太子皇孫就學 上曰朕固知

之以大喪未便也因手太子曰若自六尺孤以至今日朕寧

有他意天性至親 祖宗聖母俱所深鑒且福王距此二千


里彼能翼而至耶 太子請亟誅張差毋株累且曰外議紛






紛爾輩為無君之臣俾我為不孝之子何也 上諭廷臣爾輩聽太子言否乃退下光復刑部大學士吳道南自登第後未見 上至是惶怖失措蓋王之案疏上舉朝喧然謂國戚有專諸之意皇貴妃亦危懼訴于 上命往東宮自白之貴妃見東宮辨之甚力 太子遂奏懇 上出見群臣明其事葉向高曰先皇在位僅一月實錄所載多屬潛邸事脫草日子與同官互閱皆以為允自予歸後言者闕然以挺擊進藥移宮為非是得旨改正予思移宮事原未叙及其叙進藥亦甚平惟張差事因王之案疏侵張太宰余偕同官

往問張曰此事之發生輩皆坐居不及知其詳公親識此獄虛寔云何張曰謀逆事真之案所發覺無一不寔某當時讞奏皆與之同何以罪我予又問風癩云何張曰此飾詞也安可挺入宮門而可云風癩者予與同官共聞朝議亦皆如是故實錄稍採其說而詞亦委婉乃當時之言風癩者遂眈々矣問官如岳駿聲遂上疏力駁時局已變無出片詞言官從風而靡皆附命駿聲而之案被重譴矣予念事係宮闈似屬曖昧但罪疑惟輕施于他事東宮何地而持挺突入賴中官格之耳萬一進而不止跬步間便成



大難可但以風癩蔽罪乎當王曰乾告變云劉成龐保有  
謀今復與之同似又不出于癩者之口 神祖覽二閣禁  
中亦聖意淵微可以默喻也  
徐時進曰劉侍御勃、不良實對其區、私棕願吐而未  
達久繫法不蔽罪可念乎主上臨百官挈其子若孫與百  
官公見之君臣父子喜起一堂盛事也閣為侍御代奏或  
少更語激怒 上皆不可知之事誠無策而處于此易稱  
納約自贖要必伺其事會豈以今日需才亟、便得借此  
為挽哉

設遷曰予嘗詢游人俱云張差狂疾脩怨于龐保劉成奮  
其梃非有專諸莽何羅之計也王之寀筮宰清苑聲望不  
著視獄時鈎張差隱語則銜二璫刺骨故甚其口意主于  
鄭氏非竊鉢之疑乎彼二璫雖翊坤宮之重閣果有異志  
莽之醜酒薰之毒餅不妨深秘乃藉手外人覲不可成之  
事哉即梃而入 皇孫之齒長矣福邸無可躡進又何利  
焉故謂張差謀逆愚未敢以為然也搃之闌入東宮風癩  
死不風癩亦死無事深文景泰中立皇太子見濟是日有  
妄男子畫擊儀仗豈彼亦甘心于太子乎何諸臣之未叅



考也

甲戌張差伏誅

夏允彝曰張差處分之法不過始則嚴訊之繼則以二璫及差結局所謂化大事為小事也一時紛擾其曲豈可偏坐哉

乙亥司禮太監李恩同廷臣訊劉成龐保于文華門未承東宮傳諭以仇誣輕之

初北關白羊骨有老女東西夷求之皆不可至是許煖鬼子莽骨兒大欲藉其援也邊臣諭止不聽建州衛

憾之以三千兵屯南關懼我撫順清河之犄其後卒伏不動日本源家康以兵三十萬攻平秀賴于大坂秀賴敗入保內城家康鑿地道放火秀賴等死之因分據其地收六十六州六月丙子朔刑部請出龐保劉成外訊上以龐保原鄭進劉成原名登雲與張差所供異且皇太子奏貸毋再時保成下司禮監訊問


丁丑諭內閣以龐保劉成拷死其馬三道等刑部速具獄上閣臣揭救劉光復不允

命百官脩省禱雨

國權

萬歷四十三年

十一



庚辰兵部議遼東叅將祖天壽獵曹莊致蟒金等首入犯殺  
擄六百五十餘人喪卒二百二十餘人

辛巳 景東府地震越三日又震

癸未遣大臣禱雨郊壇社稷

丙戌諭吏部都察院戒科道徇情市恩

戊子刑部擬馬三道等李守才孔道俱流李自強李萬倉俱  
答獄上從之


江西左布政使李長庚為順天府尹閔廷申章嘉植為左右  
通政劉汝康為南太僕卿

庚寅冊瑞王妃劉氏

浙江江西湖廣山東山西河南廣東四川福建各增解額五  
人廣西三人雲南貴州各二人南京增諸生解額七人監生  
二人北京增諸生解額六人監生四人 上更益南京三人  
浙江二人

工部主事葉大受監脩胡良巨馬二橋帑金四萬署工部事  
林如楚言其節省若干 上以沽名謫大受

辛卯刑部擬劉光復杖贖 上怒奪侍郎張問達俸二月司  
官一年因擬大不敬論死



右庶子劉一燝為祭酒顧起元為南祭酒右副都御史蔡應  
科為南右都御史前巡撫 右僉都御史 為南大  
理卿

前太保大學士沈鯉卒字 河南歸德人嘉靖乙丑進士  
授編脩歷今官性狷潔忤同官沈一貫見內臣未嘗與交言  
投刺屢被誣構佗際以歸年 十 無子予祭塋贈太保謚  
文端廕尚寶司丞

山東布政使登萊道叅議姜志禮奏今五月二十日福府莊  
田二萬頃派河南湖廣山東承奉徐進徵租登萊恣肆狂擾

自國初以來封王子弟有庄田二萬頃跨連三省者乎瑞王  
惠王桂王倘以例請與之乎抑拂之也 上怒降廣西府兵  
備僉事


庚子寧夏地震

吏部左侍郎教習庶吉士劉楚先為禮部尚書尚寶司卿許  
維新被言調南京

壬寅命釋輕囚

癸卯追封崇世子常津為崇王謚曰昭

甲辰前禮部尚書陳邦經卒字公望福建莆田人嘉靖乙丑



進士官編脩隆慶中充東宮講讀官萬歷初轉諭德進侍讀  
學士署院進禮部右侍郎轉吏部左癸未改詹事府教習庶  
吉士亡何進今官自為史官至正卿皆直講壽宮之役輔臣  
與言某：說時春命覆視不盡如輔臣指因被言致任年尚  
未艾林居三十年年八十子祭墓贈太子少保  
臨汾天鳴

安徽全椒大水畿內旱

七月丙午朔編脩公為司業汪煇為南司業  
已酉發倉粟七萬石賑畿內時東安飢人盡奪之

乙卯瑞王婚

福府左長史張士俊奏承奉樊用之罪

辛亥應天府尹黃承玄陝西左布政使分守西寧道

為右副都御史巡撫福建甘肅大理寺丞王士昌為大理右

少卿

予故南禮部尚書黃鳳翔祭塋

丁巳右庶子周道登為左庶子右諭德溫體仁為右庶子管


理誥勅脩撰楊守勤編脩吳宗達為左右中允

吏科給事中梅之煥上言聖政漸寬疏通言路不宜獨塞奪

國權

萬歷四十三年

十四



歲俸

庚申何宗彥改禮部左侍郎孫如游以右侍郎回部

壬戌甘肅撫按荆州俊董定策請開武科本鎮云一道兩試

真保之已事可尋列鎮開科遠宣之成規見在從之

丙寅太常少卿史孟麟請冊立 皇太孫 上怒謫兩淮鹽

運司判官

王永恩嗣靖遠伯

戊辰駙馬都尉王昂請釋劉光復 上怒削籍放歸

山東大旱蝗青登萊為甚多飢盜

甲戌詔停刑

八月乙亥朔雲南楚雄府地震如雷

壬午巡撫貴州張鶴鳴討仲苗分六路進師

丁亥發臨清德州二倉米各十萬石平糶畿內山東

壬辰巡按遼東御史王雅量言建州衛 既吞南關

無日不圖此關也懼吾之涉其地是以返地立碑窺蚌乘隙

藉口老女今老女嫁矣我不能阻老女又安能阻夷酋耶今


欲加兵于建州必曰立碑納款吾未嘗貳而北關改嫁吾聘

女如何罪我緩急之間似宜酌計宜戰毋退宜守毋進 上

國權

萬歷四十三年

十五



然之

甲午報西虜虎墩鬼愍聚眾塞外謀犯河西

丙申禮部請禁科目走報從之


丙午閣臣請釋劉光復不報

是月京省主試順天左諭德龔三益左中允楊守勤應天右  
諭德周如磐右中允孫承宗浙江編脩吳宗達工科給事中  
劉文炳江西編脩黃儒炳兵科給事中吳亮嗣福建檢討來  
宗道刑科給事中姜性湖廣檢討邱士毅刑科給事中姚若  
水河南吏部主事周士顯兵部主事梁之垣山東刑科給事

中郭尚賓禮部主事徐煥山西吏部主事朱助工部主事王  
道元陝西光祿少卿周希聖兵部主事潘潤四川禮部主事  
盧維屏大理寺評事顧起鳳廣東戶部主事包見捷刑部主  
事陸夢龍廣西刑部主事郭中宗中書舍人董承詔雲南戶  
部主事楊瞿味行人陳所志貴州工部主事趙明欽行人司  
行人鍾惺

閏八月乙巳朔命內官呂貴暫提督浙江織造閣部沮之不聽  
命江西稅監潘祖檄催福建廣東稅課

盜入山東安邱劫庫出囚知縣聘孟走免時蒙陰沂費濟





陽昌樂俱盜起沂水知縣任光統妄報孟哲等數千人倡亂  
巡撫錢士完遽以聞有囚王灌詐降賊俾引旗巡視灌密戒  
諸囚無動且死矣陰約知縣擒賊令城外人鈞聲脅賊灌  
宣言曰官兵至矣宜走賊出未半灌闔門手刃一賊號召吏  
民命鄉兵各去其帽曰首絳者賊也立斬十餘人于是邑人  
遂賊殲之庫金還官身仍入獄命釋之聘孟削籍  
丙午禮部請惠王桂王選婚  
丁未脩南京奉天殿成  
庚戌作三殿箭樓

亥辛通州漕船火失米四萬六四百四十二百

甲寅宣延綏甘肅之捷共斬三百九十餘級

發山東稅金六萬六千有奇及臨清稅金四萬賑飢

己未南吏部尚書衛承芳卒字 達州人隆慶二年進士

官知縣進 部主事歷南兵部尚書改吏部予祭葬贈太子

少保

辛酉虎墩兔懸以五萬騎犯廣東正安堡次日去


癸亥套虜吉能挾賞不遂以數萬騎犯延綏西路執井寧塞

中路波羅殺把總 掠東路大栢油栢林高家神木等

國權

萬歷四十三年

丈



堡孤山副總兵孫弘謨神木游擊萬化孚馳援化孚僅身免  
弘謨被執失亡一千五百餘人

時福王改長蘆食鹽巡鹽御史牟中夔言祖訓親王食鹽三  
百引每引二百斤即以行鹽地辦支未有舍近地越二千里  
支取且濫額非法也因列五不冝不聽

丙寅巡撫保定王紀考滿加右副都御史

虎墩鬼慙以六千騎犯錦州火鎮等堡


刑部請暫免朝審從之

夜有星流東南大如盞色赤有光

戊辰禮科給事中姚永濟等以氣景失推請集人訂歷如翰  
院林檢討徐光啟工部郎中李之藻戶部主事崔儒秀原任  
陝西按察使邢雲鷺此皆其人也又大西洋人龐我廸熊三  
拔等洞星歷之學可佐叅伍之資報聞  
己巳直隸東安霜殺禾稼

虎墩鬼慙六萬騎分五校入犯官兵拒之出大安堡殺伏敗  
官兵堡陷

庚午陝西寧州有盜數十騎殺襄樂巡檢司李宗劫印去  
命沐昌祚仍鎮守雲南子啟元待昌祚老聽襲



九月甲戌朔西虜火落赤犯清水營

丁丑江西湖口稅解火

兵部左侍郎魏養蒙署部事左侍郎兼理右侍郎崔景榮協理京營

己卯莊浪副總兵楊定國貪殘劾免

庚辰許周府在鎮襲海陽王

戊子順天府尹李長庚請粥飢民從之

辛卯夜遼東地震如雷

壬辰大學士吳道南請罷湖口商稅不報

永康侯徐應坤卒

戊戌南戶科給事中王建中言今六月浙江嘉善人稱萬歷九年被豪戶朱均等隱田三萬三千五百畝于嘉興秀水全不輸糧乞勅戶部下撫按行勘從之

庚子遼東總兵官李懷信免

十月己酉先是七源州叛夷吳敬琳餘黨謝之安等流劫下石

泗州我檄安南都統使黎維濬及莫敬寬擒之按臣以聞


庚戌總督漕運右副都御史陳薦考滿兼右副都御史進

戶部尚書仍任

國權

萬歷四十三年

十九



辛亥光祿寺卿王度卒江南淮安人萬歷丁丑進士授州  
推官至今官予祭葬贈戶部右侍郎

壬子右庶子兼侍讀趙國光為少詹事兼侍讀學士署院事  
右庶子兼侍讀盛以弘著右春坊右諭德兼侍講周如磐為  
右庶子兼侍讀署司經局右諭德張邦紀何如寵南京右諭  
德署院事孟時芳各為右庶子兼侍讀左贊善趙師聖為左  
諭德兼侍讀  
癸丑套虜吉囊等臨邊脅賞且謀犯延綏巡撫馬從聘等執  
不與

辛酉京師地震直隸東安密雲潮河川同地有震聲

癸亥蠲減山東田租

甲子遼東總兵官王炳戴罪叅將李懷忠下臺訊


己丑前吏部考功郎中董應舉為南大理寺右寺丞

戊辰時爭福王食鹽 上諭內閣曰昔潞王食兩淮鹽三年  
改長蘆今福王先食淮鹽一年改長蘆二年後支河東鹽閣  
臣附奏不報

盜入北安左門劫酒醋局內官焦進朝

庚午巡撫寧夏梁問益卒字

新鄭人嘉靖乙丑進士官



知縣擢戶科給事中歷 布政使忤張居正降湖廣叅議  
至今官予祭一贈左副都御史  
懷仁王府輔國中尉充鮒入京奏釋劉光復 上怒下鳳陽  
高墻

十月庚辰河南道御史崔鳳翀論閣臣方從哲葉向高佐理無  
能不報

朝鮮國王李暉奏前貢使市吾學編弇山堂別集經世實用  
編續文獻通考各紀本國事如舊乖錯乞刪正禮部覆李成  
桂會典已改正今又來請乞閱其誠以原奏付史館俟纂脩

成按示天下庶白其冤 上然之

禮科給事中余懋孳請脩弭災異不報


乙未蠲折通州三河寶坻密雲平谷災租

丙申陝西總兵官官秉忠免

壬午南右都御史蔡應科請章奏戒冗悔戒沿襲戒深其戒  
沿襲如稱輔臣不曰王家屏沈鯉而曰山陰歸德不曰高拱  
張居正而曰新鄭江陵又或稱官及地不曰吏部尚書而曰  
太宰不曰戶部郎中而曰度支郎將作官屬不

工部員外郎

曰北直南直浙江雲貴而曰燕吳豫越滇黔諸如此類皆所



當戒

杜松擊西虜于明水湖斬四十二級又敗火落赤于柳門斬百九十九級

己丑命京省簡練民兵從陝西巡撫李楠之請也

壬寅禮部再請止納貢 上然之

十二月甲戌命順天尹求雪

丁未郭祚久嗣成安伯太僕少卿李燦為光祿卿

壬子旌岷王定燿德壽是月摠督宣大涂宗濬疾去


南工部右侍郎李待陽卒字 延綏人嘉靖乙丑進士官

知縣進吏累至今官所著理學臆言義倉漫語古今一賢難  
字字備考湘川野史設齋集帖等書予不能殫予祭塋

乙卯巡撫山東錢士完奏飢民九十餘萬多盜劫亟乞部臣  
一駐遼東運米十萬石救遼東又部臣一駐淮揚運米二十  
萬救山東從之又命戶部借太僕寺馬價銀十六萬再發臨  
清倉粟六萬賑山東飢又平糶米六萬石

丁巳兵科給事中熊明遇請及時經理遼陽疏海禁撫建州  
區畫不報

癸亥前祭酒周如砥卒



乙丑寧夏河東西地大震


丙寅祭酒劉一燦為少詹事兼侍讀學士纂脩玉牒

丁卯葬恭靜端毅溫惠皇太子妃郭氏于翠微山

戊辰<sup>以</sup>工部右侍郎林如楚請停呂貴勅遂盡奪司官俸二月

巡撫貴州張鶴鳴請大征仲苗

永年縣西劉營村地裂五六丈衡可二尺深不可測
















國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.















國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

